



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Synodvs Nicæna II. Generalis. Sub Hadriano papa I. anno DCCLXXXVII.

Parisiis, 1644

Tituli designantes in breui quae in hoc codice continentur.

urn:nbn:de:hbz:466:1-15473

latera surrexisti; lumbos accinxisti, lucernam accendisti, zelo Dei comederis. superest tantum, vt fidem quam credis, doceas: viam quam tenes, cunctis ostendas. Quatenus Deo auctore, te filio excussorum, prophetarum scilicet & apostolorum, ductore, per inuia nos omnes Christi oues solertia tuae per Petrum & in petra commissae, inoffensis gressibus incedamus, & ad amœna vitæ perennis pascua Christo aperiente, qui claues regni in ipso & per ipsum tibi tradidit, feliciter ingredi mereamur. Apostolarum vestrum ad exaltationem ecclesiæ suæ, ac communem nostrum salutem, per multos annos gratia superna custodiat, domine sanctissime papa.

Tituli designantes in breui quæ in hoc codice continentur.

PRIMA actio continet testimonia diuersarum probabiliū scripturarum, quibus ostenditur hæreticos ab hæresi ad orthodoxam fidem conuersos posse suscipi. Similiter & eos, qui cum fuerint sintve orthodoxi, manus tamen impositionem ab hæreticis habuerunt.

Secunda vero continet actio lectionem epistolarum Hadriani papæ Romani, & secundum tenorem earum cunctorum sacerdotum qui interfuerunt Synodo, professionem & promulgationem.

Tertia autem actio continet receptionem antistitum ab hæresi conuersorum, & synodica Tarasii patriarchæ, & rescripta orientalium sacerdotum, nec non & subscriptiones episcoporum, Hadriani papæ ac orientalium pontificum scripta approbantium, & ita se sapere profitentium.

Quarta dehinc actio circumfert testimonia sacrae scripturæ ac diuersorum sanctorum patrum pro imaginibus.

Quinta præterea continet actio testimonia ostendentia, Iconomachos æqualia super imaginibus reprobis quibusque operari vel sapere hæreticis.

Sexta vero designat actio hæreticorum blasphemias, & harum validam destructionem.

Septima porro circumfert actio terminum sanctæ Synodi huius, subscriptiones episcoporum, epistolam Synodi imperatoribus missam. Item aliam ad clerum Constan-

ANNO
 CHRISTI
 787.

tinopolitanum ; sermonem laudatorium , & Canones ab eadem Synodo promulgatos. Item epistolam Tarasii sanctissimi patriarchæ ad Hadrianum summum pontificem pro Synodo. Item eiusdem ad eundem de non ordinandis ecclesiasticis officiis per pecunias. Item eiusdem ad Iohannem presbyterum , hegumenum & anachoretam , pro eadem re.

Dialis sacra directa a Constantino & Irene Augustis ad sanctissimum & beatissimum Hadrianum papam senioris Romæ.

QVIA Domino nostro Iesu Christo vero Deo nostro suscipiunt siue imperii dignitatem, siue principalis sacerdotii honorem, debent quæ illi placita sunt, & cogitare & curare, & creditos sibi ab illo populos secundum eius voluntatem regere & gubernare. Ergo debitum nobis & vobis, o sanctissimum caput, hoc est, ut irreprehensibiliter quæ eius sunt sapiamus, & in suis versetur, utpote ab ipso nos quidem imperium, vos vero principalis sacerdotii dignitatem suscipientes. Incipimus ergo hinc sermonem. Scit vestra paterna beatitudo quæ pridem facta sunt in hac nostra regia ciuitate propter venerabiles imagines; qualiter qui ante nos regnauerunt, eas destruxerunt, & in dehonestatem atque iniuriam posuerunt: (utinam illis non imputetur; melius enim fuerat non mittere manus suas in ecclesiam:)& omnem populum qui hic est, imo orientalem eodem modo seduxerunt, & in propriam voluntatem retraxerunt: usquequo Deus suscitauit nos regnare in his, qui in veritate quærimus gloriam eius, & tenere quæ tradita sunt ab apostolis suis & omnibus simul doctoribus. Vnde nunc constanter cum mundo corde & vero cultu, quæ ad Deum pertinent, vna cum omnibus subditis nostris, & his sacerdotibus doctissimis, locuti sumus, & cum consilio decreuimus, ut fieret vniuersale Concilium. Et rogamus vestram paternam beatitudinem; imo vero Dominus Deus rogat, qui vult omnes saluos fieri, & in agnitionem veritatis venire; ut det seipsam, & nullam tarditatem faciat, & ascendat huc in stabilitatem & firmitatem antiquæ traditionis super venerabilibus imaginibus. debitum enim illi est hoc facere; agnoscit vero quia scriptum est:

1. Tim. 2.